



Ҳамиша биринчи бўлинг, қорақалпоғистонликлар!

Мамлакатимизда мустақиллик йилларида уй-жой коммунал хизмат кўрсатиш соҳасида замонавий инфратузилмани шакллантиришга қаратилган кенг кўламли ўзгаришлар олиб борилмоқда.

Ушбу ўтган қисқа вақт мобайнида вазирлик томонидан уй-жой фондини бошқариш ва фойдаланиш, шунингдек, аҳолини сифатли ичимлик суви ҳамда иссиқлик таъминоти билан таъминлаш бўйича бир қанча ижобий ишлар амалга оширилди.

Қорақалпоғистон Республикасида ҳозирги вақтда жами 1338 та кўп қаватли уй-жойлар мавжуд бўлиб, хусусийлаштирилган 1243 та уй-жойларга 102 та хусусий уй-жой мулкдорлари ширкатлари хизмат кўрсатиб келмоқда.

Кўпхонадонли уй-жой фондини сақлаш ва улардан фойдаланиш тизимини комплекс ривожлантириш ва такомиллаштириш, кўпхонадонли уй-жойларнинг техник ҳолатини тубдан яхшилаш ҳамда таъмирлаш-тиклаш ишларини ўз вақтида амалга ошириш мақсадида вазирлик ҳузурида “Таъмирлаш-тиклаш хизмати” ДУК ва 6 та туманлараро филиаллар ташкил этилган.

Корхона томонидан кўпхонадонли уй-жойларни таъмирлаш ва атрофини ободонлаштириш ишларини олиб бориш мақсадида 2018

йилда 28,0 млрд. сўмлик иш ҳажми бажарилди. Ушбу амалга оширилган ишлар корхонанинг 200 нафардан ортиқ ишчиларининг меҳнатлари самарасидир.

2019 йилда корхона ва унинг филиаллари томонидан 41 млрд. сўмлик иш бажарилиши режалаштирилиб, жорий йилнинг 1 август ҳолатига 37,5 млрд. сўмлик қурилиш-таъмирлаш ишлари амалга оширилди ва иш режасининг 91,5 фоизи бажарилди.

Шунингдек, хусусий уй-жой мулкдорлари ширкатларига шартнома асосида бухгалтерлик ҳисобини юритиш, консалтинг ва мажбурий бадаллар йиғиш бўйича хизматлар кўрсатиш мақсадида “Ягона ҳисоб-китоб маркази” ДУК ва унинг туманлараро филиаллари ташкил қилинган.

“Ягона ҳисоб-китоб маркази” ДУК корхонаси томонидан 2018 йилда хусусий уй-жой мулкдорларидан 2,5 млрд. сўмлик мажбурий бадаллар ундирилди ҳамда ширкатларнинг 2,2 млрд. сўмлик тижорат банкларидан кредитлари қайтарилди.

Марказ томонидан хусусий уй-жой мулкдорлари ширкатларига шартнома асосида бухгалтерлик ҳисобини юриштиш, консалтинг хизматлар кўрсатиш ва мажбурий бадаллар йиғиш бўйича жорий йилнинг 1 август ҳолатига 370,1 млн. сўмлик хизматлар кўрсатилди.

2019 йилда корхонанинг бизнес режасига мувофиқ оладиган соф даромади 40,0 млн. сўмни ташкил қилиши кутилмоқда.

Ушбу эришилган ижобий ишларнинг натижасига кўра, ҳудуддаги кўп хонадонли уй-жой фондини ўтган 2018–2019 йиллар куз-қиш мавсумига тайёргарлик кўриш ва мавсумни барқарор ўтказиш бўйича кўп хонадонли уй-жой фондини таъмирлаш ва атрофини ободонлаштириш мақсадида ўтган йилда:

- 391 та кўп хонадонли уйларнинг 243,6 минг кв.м. том қисмларида мукамал ва жорий таъмирлаш ишлари олиб борилди;

- 1213 та кириш йўлаклари таъмирланиб, 963 та кириш йўлакларига кодли темир эшиклар ўрнатилди.

- 214 та уй-жойнинг ертўла қисмидаги муҳандислик-коммуникация тармоқлари реконструкция қилинди;

- 171 та болалар майдончалари янгидан қурилди ва 60 та болалар майдончалари таъмирланди;

- 338 та уйларнинг кириш йўлаклари олд қисмидаги 78,0 минг м² тротуарлар бетон қопламаси билан қопланди ҳамда 317 та уйларнинг фасад қисмлари таъмирланди.

Мазкур ишлар учун жами 76,7 млрд. сўмлик маблағ сарфланди.

Ҳудуддаги кўпхонадонли уй-жой фондини 2019–2020 йиллар куз-қиш мавсумига пухта тайёрлаш мақсадида Чора-тадбирлар режаси



ишлаб чиқилиб, дастурга мувофиқ, 2019 йилда жами 344 та кўп хонадонли уйларда таъмирлаш ишлари белгиланган.

Қорақалпоғистон Республикасида бугунги кунда жами аҳолининг 52,4 фоизи марказлашган ичимлик суви билан таъминланган, қолган 43,3 фоизи альтернатив ичимлик сув манбаларидан ва марказлардан узоқ ҳудудларда жойлашган аҳоли пунктларида яшовчи 4,3 фоиз аҳолига ичимлик суви махсус транспортлар орқали етказиб берилади.

Сўнгги йилларда ҳукумат томонидан аҳолининг тоза ичимлик суви таъминотини яхшилаш борасида қатор ишлар амалга оширилмоқда. Жумладан, экологик оғир шароитда яшаётган Қорақалпоғистон аҳолисини сифатли ичимлик суви билан таъминлаш масаласига катта эътибор қаратилмоқда. Республикада яшаётган аҳолининг сув таъминотини яхшилаш мақсадида 2018 йилда барча манбалар ҳисобидан 85,4 млрд. сўмлик 419,2 км ичимлик суви тармоқларини қуриш ва реконструкция қилиш ишлари бажарилди.

Амалга оширилган ишлар натижасида Қорақалпоғистон Республикасида 33 та аҳоли





пунктларида яшовчи 45,1 минг нафар аҳоли илк бор марказлашган ичимлик суви билан таъминланди ва 48 та аҳоли пунктларида яшовчи 54,8 минг нафар аҳолининг ичимлик суви таъминоти яхшиланишига эришилди.

Ўзбекистон Республикасининг 2018 йил 2 апрелдаги 464-сонли Қонуни билан 18 апрель – «Уй-жой коммунал хизмат кўрсатиш соҳаси ходимлари куни» деб белгиланган бўлиб, шу муносабат билан Самарқанд шаҳридаги байрам тадбирида 2018 йил якунлари бўйича корхона ва ташкилотлар ўртасида турли номинацияларда танловлар ўтказилиб, унда Қорақалпоғистон Республикаси 4 та номинация бўйича ғолиб бўлиб, 1-ўринни эгаллади. “Энг яхши ҳудудий Уй-жой коммунал хизмат кўрсатиш бошқармаси”, “Энг яхши Таъмирлаш-тиклаш хизмати”, “Энг яхши “Ягона ҳисоб-китоб маркази” ва “Энг яхши иссиқлик таъминоти корхонаси” танлови шулар жумласидандир.

Қорақалпоғистон Республикаси аҳолисини ичимлик суви таъминотини яхшилаш мақсадида 2019 йилда 136,8 млрд. сўм маблағ ҳисобидан жами 110 та объектларда қурилиш-монтаж ишлари амалга оширилиши, ушбу ишларни амалга ошириш натижасида республикадаги 52,2 мингга яқин аҳоли илк бор ичимлик суви билан таъминланиши ва 36,9

мингдан ортиқ аҳолининг ичимлик суви таъминотининг яхшиланиши кутилмоқда.

Мазкур маблағлар ўзлаштирилиши натижасида 2020 йилнинг 1 январь ҳолатига аҳолининг ичимлик суви билан таъминланиш даражаси 52,4 фоиздан 55,1 фоизга оширилиши кутилмоқда.

Шунингдек, Мўйноқ ҳамда Қонликўл туманлари марказида канализация тизимларини ривожлантириш мақсадида 10,2 млрд. сўм маблағ ажратилиб, бугунги кунда қурилиш-монтаж ишлари олиб борилмоқда, белгиланган ишлар якунланиши билан туманлар маркази аҳолиси илк бор оқова сув хизматларидан фойдаланади.

Бундан ташқари, Ўзбекистон Республикаси Президентининг 2019 йил 9 апрелдаги “Осиё тараққиёт банки иштирокида “Ўзбекистоннинг ғарбий қисмида ичимлик суви таъминоти тизимларини ривожлантириш” лойиҳасини амалга ошириш чора-тадбирлари тўғрисида”ги Қарорига асосан республиканинг Амударё, Беруний, Қораўзак, Қўнғирот, Нукус ва Мўйноқ туманларидаги аҳоли ва хўжалик юритувчи субъектларни сифатли ичимлик суви таъминотини янада яхшилаш мақсадида лойиҳа қиймати 172,3 млн. АҚШ доллари миқдорида инвестиция маблағлари ҳисобидан 2020–2023 йилларда 3 та сув тозалаш ҳамда 27 та сув тақсимлаш иншоотларини, 1235,2 км сув тармоқларини қуриш ва реконструкция қилиш ва “Туямўйин” ва “Тахиатош” сув тозалаш иншоотларини модернизация ва реконструкция қилиш ишлари белгиланган. Амалга оширилган ишлар натижасида лойиҳа ҳудудида яшовчи 188,1 минг аҳоли илк бор марказлашган ичимлик суви билан таъминланади ва 155,8 минг аҳолининг ичимлик суви таъминоти яхшиланади.

Жаҳон банкининг 60,0 млн. доллар миқдоридаги кредит маблағи ҳисобидан 2020–2024 йилларда “Нукус ва Тахиатош шаҳри канализация тизимини реконструкция қилиш” лойиҳаси доирасида 164,6 км оқова сув тармоқлари ҳамда 39 та оқова суви иншоотларини қуриш ва реконструкция қилиш режалаштирилган.

Кўрсатиб ўтилган лойиҳаларнинг амалга оширилиши натижасида лойиҳа ҳудудида яшовчи 130,7 мингдан ортиқ аҳолининг оқова сув хизмати таъминоти яхшиланиши кутилмоқда.

Қорақалпоғистонликларни тоза ичимлик суви билан таъминлаш борасида соҳа пешқадамларининг амалга ошираётган ишлари эътиборга моликдир. Биринчиликни қўлдан бермай, собитқадамлик билан олдинлаб кетаверинг, азиз қорақалпоғистонликлар. Байрамингиз муборак бўлсин. Юртимиз янада гуллаб-яшнаверсин!

Ш.РАДЖАБОВ